

Hieronymus solebat dicere Monacis, semper aliquid boni operis facito, ut semper diabolus te occupatum reperiatur, & notat Roderic. qq. Regular. tom. 4. tit. 4. c. 25. sub num. 18., quod Sanctus Patriarcha Benedictus tam prudenter divisiit tempora, & horas nocturnas, atque diurnas destinatas ad diversas operationes, ita ut Monachus illas opere perficiens nullo pacto otio marcescat, sive eliminata negligentia, & otiositate, vitiis pariter exularent, ad quod faciunt dictata per Thomam à Kempis in suo opusculo lib. 1. c. 25. num. 7., quod Religiosus seruidus omnia bene portat, & capit, quae illi jubentur, Religiosus negligens, & tepidus habet tribulationem super tribulationem, & ex omni parte patitur angustiam, quia interiori consolacione caret, & exteriorem querere prohibetur.

¶ 3 Et quia descendere ad omnes, & singulas negligentias Regularium, aut valde difficile, aut impossibile reputatur; juxta regulam datam in prima parte generali conclusione dicimus, quod Religiosus omit tens ea, quae habet in obligatione, quae scit, & potest implere, nec habet legitimam excusationem, peccat peccato negligentiæ, quae autem sunt, ad quae Regularis obligatur, vide Lezanam in prima parte summae, per plura capita obligations Regularium explicantem.

¶ 4 Et potissimum advero, quae idem Lezana notat p. 4. V. Missa num. 38., quod Sacerdotes negligentes in celebrandis Missis ad quas tenentur, vel ex manualibus elemosinis receptis, vel ex annuis legatis, vel quacunque alia ex causa, aut titulo acceptatis, peccant mortaliter propter notabile dampnum spirituale, vel temporale, quod obvenit missas petentibus, puta, vel quia defuncti pro quibus sunt celebrandas, diutius in purgatorio detinentur ex defectu suffragiorum, vel quia viventes carent Virtute sacrificii impetratoria, & certò peccant hujusmodi negligentes peccato infidelitatis, quia non implent obligationem susceptam, & promissam, quae multoties negligentia provenit ex incuria Prælatorum, aut eorum quibus sacrarii cura demandata est, vel quandoque, quia tot elemosinas ex anxietate avaritiae procurant, & exigunt, ut non nisi post dilationem multam possint satisfacere.

¶ 5 Nec omittenda est Monitio, D. Hieronymi relati in c. Prædixerat Hyeremias de peccatis. i., per hæc verba, Promissio Dei Damalem non facit negligentem, sed magis provocat ad rogandum Deum, ut quod per suam promisit clementiam per horum impletat preces, ne negligentia superbiam, & superbia parat offendit. &c., & in fine capituli ait (ne securitas negligentiam, & negligentia pareret offendit), & glos. ibi in V. denique addit (quia si videt Deus homines negligentes, mutat quod prius promiserat) quod pro Religiosis potissimum notandum est, ne ex quo sevident Vocatos ad religionem, quasi securi de sua salute, negligant magis, & magis in via Dei proficere, quia talis negligentia posset esse causa cur Deus non impleret promissa, quae semper involuunt hanc conditio nem, si per te non steterit.

¶ 6 D. Bernardus in opusculo meditationum devotissimarum, alias libra de anima cap. 5. cui titulus est, quod homo debeat se examinare, inter cetera habet hæc (multo melior, & laudabilior es, sit cognoscis, quam si te neglecto, cognosceres cursus syderum, Vires berbarum, complexiones hominum, naturas animalium, & baberes omnium cœlestium, & terrestrium scientiam), quae potissimum aptantur sacris Religiosis, qui ad perfectionem tendere profitentur, qui multam diligentiam debent adhibere in sua cognitione, unde qui se ipsos negligunt, dignoscuntur à perfectione valde elongat.

¶ 7 Et idem Bernardus sermone de septem donis Sancti Spiritus, contra septem vitia exhibet remedium contra negligentiam, nempe timorem Dei per hæc verba (qui timet Deum nihil negligit, sed reveretur omnia opera sua, & iterum ordinata procedit acie adversus septem peccati gradus spiritus septiformis, & primus contra negligentiam timor exurgit, nimis ipse est, quo concutitur anima, discutitur conscientia, excutitur sopor letalis, incuritur sollicitudo) hæc Bernardus.

¶ 8 Non raro experientia monstratum est, quod Pater habens plures filios, & filias, si industriosos viderit, & speciosos eosdem in seculo detineat, officiis aplicet, & ad negotia, ac dormus conservationem destinet, si vero deformes tardos, hæbetes, pigris, negligentes norit, eosdem religioni offert, & dimittit, ex quo post ea sit, ut religio hujusmodi pigris, & negligentibus defor-

deformata membris languescat, & infirmetur, contra quos declamat Hieronymus ad c. 1., Malachiae relatus in c. Sacerdotes dñi. 49. in fine, dicens (indignum est enim dare Deo, quod dignatur homo; Menoch. casu 226. nu. 6. de Arbitr. Jud., Tiraquell. de leg. conub. lib. 2. n. 59., ad quod, Turre. trem. in d. c. Sacerdotes in fine, notat factum Genes. 4. Cain, & Abel, hic ex pinguoribus, & melioribus offerebat, & Dominino placuit; ille autem de pejoribus, & ad munera Cain Dominus non respexit; ex quo tot mala subsequuta sunt, nempe Fratricidii, quod abiret profugus super terram, quod semper viveret in timore, & tremore, dicens, omnis qui inveniet me, occidet me; ex quo Patres familias deberent ad hæc consideratè attendere, nec Deum sub spicie oblationis, illudendum existimare.

¶ 9 Non prætereunda est negligentia, nescio an ex ignorantia, an ex timideitate proveniat, dum Regulares in causis Civilibus convenientur coram Ordinariis, licet habeant conservatorem, electum per eos juxta eorum privilegia, & cum omnibus qualitatibus notatis à Fagnano tom. 3. in c. si clericus à nu. 55., & seqq. de foro compet. ad Bullam Gregor. XV., & declarationem Sacra Congreg., tamen negligunt declinare forum, & sibi per talem negligentiam prejudicant, ut ostendit idem Fagnanus in c. Tuarum n. 44. de Privilegiis, ubi refert recursum Procuratoris Ordinis Carmelitarum ad Sacra Congregationem Concilii, eo quod in Regnibus Hispaniarum, quidam Ordinarii locorum contendenter Religiosos intra claustra degentes, coram ipsis Ordinariis conveniri debere in causis civilibus, ad tex. in cap. Volumen de privilegiis. in 6. inovatam à Trid. sess. 7. cap. 14. attento potissimum cap. 20. sess. 24. Trid., Sacra tamen Congregatio de-

claravit, ea Jura non obstare, ideoque Regulares juxta eorum privilegia, coram suis Superioribus, vel Conservatoribus esse convenientios, neque cap. 20. sess. 24. Trid. ad Regulares pertinere, neque eorum conservatorias diminuere, nec quoad primam illarum instantiam, aliquid novi inducere; quam declarationem Paulus V. per litteras in forma brevis, observari mandavit, addito Decreto irritante sub die 24. Augusti 1607., tangit etiam Barbosa ad d. cap. 20. Trid. nu. 9., Sanchez. in Opuscul. lib. 6. c. 9. dub. 5., ubi ad objecta respondit.

¶ 10 Sicuti in casu quo Regularium Superiores negligent punire Religiosos, qui delinquent extra claustra, & capti, ab Ordinario remituntur ad eos, ut puniant, alias punitio, ad ipsos Ordinarios devoluta; & qualiter Conventus solvat judicij expensas, & alimenta, dixi in artic. de Negligentia Abbatum sub nu. 28.

¶ 11 Dato quod una Religio, vel plures negligent uti suis privilegiis; Immo permitterent sibi præjudicialia, & tacerent, non ideo præjudicant alteri diligent in eorum usu, ut in casu de privilegio concessio Regularibus, ne aliæ ædificant novas Ecclesiæ, vel Monasteria, infra 140. canas, etiæ per aerem mesurandas, quando non posset per terram, ab eorum Monasteriis, & Ecclesiæ, per antea constructis; si aliqua religio negligens, finaret Religiosos alios de novo ædificare, vel recipere novum Monasterium, vel Ecclesiam, infra illud spaciun, non ex eo posset inferi privilegium illud, non esse in usu, in præjuditium aliorum Religiosorum, qui in eo non fuerunt negligentes, ad allegata per Rotam coram Eminentissimo Corrado in Januam Privilegiorum 28. Iunii 1649. quæ est decis. 337. n. 24. 25.

### De Negligentia Testium.

#### S U M M A R I A.

¶ 1 Declinando, ne testimonium ferat, tunc peccat, quando vel ex justitia, vel ex charitate tenetur.

¶ 2 Gravius delictum est, falsum dicere, quam veritatem tacere.

¶ 3 Declinando, ne testimonium ferat, tunc peccat, quando vel ex justitia, vel ex charitate tenetur.

¶ 4 Qui juravit dicere veritatem, & negligit eam dicere, sed tacet qualiter peccet.

¶ 5 Quam penam mereatur testis negligens.

¶ 6 Interro-

- 6 Interrogatus de aliquo facto, quem novit, si dicat se nescire, est falsus, si taceat dicitur fraudulentus.
- 7 Negligens non est qui non respondit, quando non interrogatur legitime.
- 8 Extrajudicialiter interrogatus, tacendo veritatem, non est negligens, & si diceret se nescire, mendax est.
- 9 Interrogatus à Superiori extrajudicialiter, non ad effectum infigendi poenam, sed pro bono regimine, & ut possit dirigere suas actiones in eligendo Ministros, Officiales, in evitando scandala, & mala, quæ contingere possunt, tenetur veritatem sincèrè aperire.
- 10 Negligens aperire veritatem Superiori, sic interroganti, majori culpa, & pena reus est, quam si negligenter Sacris Canonibus parere.
- 11 Afferitur ratio per quam testis extrajudicialiter interrogatus, tenetur veritatem aperire.
- 12 Cum Superior Ecclesiasticus teneatur inquirere de vita, & moribus eligendorum ad beneficia, ad ordines Eccl. habet Ius interrogandi.
- 13 Testis sic interrogatus, omittens sincèrè dicere veritatem, peccat mortaliter, quando interrogatur pro causa gravi.
- 14 Episcopus habet Ius inquirendi de Subditis, pro bono animalium regimine.
- 15 Parochi Diocesani interrogati ab Episcopo, qualiter se gerant Concionatores, qui ad eosmittuntur in Quadragesima, tam quoad litteraturam, seu habilitatem concionandi, quam quoad mores, tenentur veritatem sincèrè aperire.
- 16 Interrogati ab Episcopo de vita, & moribus concurrentium ad beneficia, tenentur vitia etiam occulta prodere sub mortali, dummodo ea neverint extra Sacramentum confessionis.
- 17 Ita interrogari ab Examinatoribus, tenentur similiiter veritatem aperire.
- 18 Episcopo visitanti, tenentur interrogati prode-
- re virtutem, & defectus Parochorum, etiam sub mortali.
- 19 Limita, si Parochus esset emendatus, vel esset spes certa emendationis proxime.
- 20 Negligens obediens edictis Inquisitorum, non denunciando, peccat mortaliter.
- 21 Negligens denunciare detentorem rerum, de quibus relaxantur monitoria ab Episcopo, sub excommunicatione, peccat mortaliter.
- 22 Examinantur excusationes circa prædictas obligations.
- 23 An re clanda quæ sub secreto naturali novit.
- 24 Cum distinctione resolvitur, si agatur ad paenam, non tenetur, si ad paternam correctionem, tenetur.
- 25 Et in hoc casu, etiam si cum Juramento promisit non revelare.
- 26 Quali fundamento, Ecclesia potuit irritare matrimonia, quæ aliter Jure naturæ erant valida.
- 27 Juramentum non obligat in prejudicium veritatis, si agatur ad salutem animalium.
- 28 Idem habet locum, etiam si revelans timeat sibi malum subsequendum.
- 29 Qui potest liberare innocentem à gravi damno, & negligit, peccat.
- 30 Tenetur revelare, etiam si non præcesserint indicia, quando non agitur ad poenam.
- 31 Revelans vitia secreta, in hoc casu non detrahit formaliter.
- 32 Testis non potest uti verbis Amphibologicis consistentibus in restrictione mentali.
- 33 Debet prudenter respondere, & certa tamquam certa, dubia vero tamquam dubia refere.
- 34 Limita in secretis Principum, & Reipublicæ, quæ nunquam sunt prodenda.
- 35 Qualiter non timendum, quod testis veritatem aperiens, publicetur in sui damnum, & ignominiam.

## ARTICULUS XXXVIII.

## De Negligentia Testium.

**T**estes alii sunt Judiciales, id est in Judicio examinati, alii extrajudiciales, interrogati scilicet extra Judicium, nullo juris ordine servato, & de utroque genere vi-

dendum est, qualiter negligentia culpen-

1 Testes prædicti, dupli modo possunt negligentia culpam incurtere, ad notata, per Turrecrem. in c. Episcopi si Sacerdotali nu. 6.

xi. q. 3.

## Pars Secunda. Artic. XXXVIII. 451

- xi. q. 3. Primo, quia recusant testimonium dicere, & ad hoc fugiunt, & se occultant. Secundo, quia comparent quidem vocati, sed tacent veritatem, putâ respondendo interroganti verbis amphibologicis, vel obscuris, versutè, & dolosè, & ad hoc possent prætexere bonum finem, putâ ne Proximo, de quo interrogantur, damnum inferant, ejusdem famæ ne detrahant, vel ne sibi præjudicent, vel damnum sibi futurum metuant, vel quia ea, quæ exquiruntur, norunt sub secreto naturali, & in his omnibus casibus quærendum est, an omittens veritatem dicere peccet, & negligentia culpetur.
- 2 Prænotandum verò est, quod gravius delictum est in utroque foro falso positivè dicere, quam veritatem tacere ad notata per Fagnan. in c. quo circa nu. 5. de consanguin. & affin., sicuti magis vitiat obrepatio, quæ committitur narrando falso, quam subrepatio, quæ committitur tacendo veritatem, licet utrumque vitiat scriptum, Marchesan. de commissionibus relaxandi Juramentum ad effectum agendi p. 3. §. 3. nu. 79. Utrumque tamen delictum est, & differunt solùm secundum magis, & minus; his Prænotatis.

- 3 Testis qui fugit, & se absentat, ne interrogetur, & veritatem cogatur dicere, negligentia culpam incurrit, quoties, vel ex justitia, vel ex charitate tenetur testimonium ferre, ut contingit, quando potest proximo, deponendo veritatem, prodesse, & fugiendo recusat, ut notavit D. Augustinus relatus in c. Falsidicus de crim. falso, ubi dicitur, quod Reus est, qui mendacium, & falso dicit, ac qui veritatem tacet; non tamen potest dici, quod fugiens examen falso dicat, ac propterea, Farinac. q. crimi. 67. nu. 234. dicit, quod testis, qui se occultat, & non vult comparere ad testimonium dicendum, non puniatur de falso, sed poena de crimine Stellionatus, & hoc si agatur criminaliter, quia si ageretur civiliter, tenetur ad damnna, & interesse, quando tenebatur ex justitia commutativa testificari; secus si ex sola charitate, ut diximus de obligatione restituendi, quæ oritur ex negligentia, & notat Sanchez in opusc. lib. 6. c. 5. dub. 2. & 3., & si dicatur, quod testis judicialiter interrogatus, ex legum dispositione teneatur

respondere, & veritatem dicere, & consequenter ex justitia, & non tantum ex charitate; solutio in promptu est, quod tunc teneatur ex justitia legali, non verò commutativa, quæ sola obligat ad restitucionem D. Thom. 2. 2. q. 62., Justitia n. legalis, obligat solùm ad obedientum Superiori ad allegata per Dianam p. 3. tract. 5. resol. 54. Ver. Notandum est etiam.

4 Testis autem, qui comparuit, & coram Judice, vel Notario, juravit dicere veritatem, quam postea tacuit, sive neglexit juramentū implere, peccat primò peccato perjurii deinde, incurrit culpam negligentiae, tacendo, quod aperire tenebatur, & puniri potest, tamquam falso, tex. est in c. i. in secunda parte de crim. falso, concordat tex. in l. Præbiteri, C. de Episcopis, & Cleric., ubi Bartol., & Bald., & ferè communiter repetentes, Barbosa in dicto c. p. n. 6. de crim. falso, ad quod plura allegat Farinac. in l. præscriptione à nu. 4., & seqq. C. Si contra Ius, vel utilitatem publ., Mascard. de prob. lib. 1. q. 5. nu. 70., & seqq., & lib. 2. q. 743. nu. 12.

5 Et si quereras, quam poenam mereantur testes prædicti, scilicet, & ille, qui negligenter comparere, & testificari, & qui comparuit, sed veritatem tacuit; dico quod sollet in præcepto, quo vocantur testes ad examen, apponi poena, & ea servanda est; vel dicitur, quod si non comparverit, singulo die multabitur in tot &c. donec tandem affectus compareat &c. vel puniri poterit poena arbitraria, si neque in præcepto, neque Jure municipalí Statuta inventiatur, neque consuetudine taxata, ad notata per Vivium opin. com. p. 3. opin. 910., Menoch. de arbitr. Judic. lib. 2. casu 310. nu. 14., Farinac. praxi q. 67. nu. 220., & 228., ubi num. 231. de teste comparente, sed veritatem tacente, quod puniatur poena falsi, quando versutè, dolosè, scienter veritatem suprimit, & dicere negligit, & idem Farinac. q. 150. nu. 75.

6 Tanto magis puniendus erit Testis, qui interrogatus de aliquo facto, respondeat se nescire, dum revera sciat factum, quia tunc falso positivè dicit Farinac. dicta q. 67. nu. 227., si verò solùm veritatem taceat, dicitur testis fraudulentus à Salyceto in l. nullum in fine nu. 2. C. de testibus.

7 Supponunt tamen prædicta omnia, quod

testis

LII 2